

序

自下文莊公云世有千載不  
言無百年不寧之意蓋

。下之登。才。生  
。考。習。尚。詳

。上

。地。制。宜。補

。登。是

而興行則安土敦仁尚風嚮

我可蒸成善俗其關係固

甚重斯修輯不究闕缺松陽

隸處州占名最古其地近接  
三衛遠連江右雖山陬小邑  
實衝要區也咸豐間粵匪三  
犯郡垣皆自衢闖入松獨先  
當先厄罹害酷焉時鄉民糾  
合義團同仇敵愾忠魂毅魄

更未究任其湮沒不彰者同  
治庚午秋余奉

命守括越明年支君壽伯來  
任縣事余稔知其懷吏治才夙  
負能名曾歷權大邑皆溢  
有聲茲與同舟共濟深為相

理得人矣初謁余為具道松之  
風土民情與支養教大端並  
以志書屬先務焉支君唯  
去茲松後察秀地方詢謀庶  
士則今謂是志之宜修而猶  
未能遽修也予學校在澹漫

將傾矣此立名支之基乎名祠  
宇葺治未完何以展明禮之  
典他若聽政之庭明倫之地  
而風雨飄搖矣此皆亟宜營構  
也及今不圖後將事倍功半  
已支君遂志如衆議籌費度

木工相繼告厥乃從事於志  
書與校官博士分任編摩所  
革所以因或筆或削均于自  
釐定迄兩年而稿脫問序於  
余之謂修志之難流弊有三  
採錄不根生之病也善摘艷稿

華其病也魔法託徇私其病  
也穢者覽是書例言知體裁  
惡本克民而生於人物不妄登  
名賢之目甯嚴無濫于藝文  
則專收掌故之門甯隘無侈  
至忠孝節烈則為大書姓民

甯詳無漏官績武功必孚與  
論公評甯賢無誇其是以信  
今傳後詎待余贊詞乎哉友  
尹現已報政三年事 大忠量  
移繁地為選將有日矣余提  
身以寵生行今為其志之

成願以治松者治劇邑焉異  
日事功彪炳勳業爛然上與  
史冊相輝映將千載名垂不  
朽固不僅一邦之文教修明  
為之罄其庶彊云爾是為叙  
光緒元年乙亥春仲月

欽加三品銜知慶州府事加三級紀錄二次元和潘紹詒撰



松陽縣志

序

六

重修松陽縣志序

凡事歷久而不成者大抵畏難而不為者也松  
志之成於今日也豈無故哉辛未春余宰斯  
邑首以志乘為問蓋自乾隆戊子迄今百餘年  
未經修輯其間迭遭兵燹舊刻半付劫灰完冊  
無從覓購守缺抱殘將何以信今而傳後顧自  
下車以來諸廢未舉欲修不遑也厥後多方規畫  
文廟及祀典中之各祠宇或造或葺以次告竣

松陽縣志

序

兩學之衙齋本署之廳事又皆捐俸以倡濶荆  
榛而復舊制矣以歲豐收獄訟寢息適奉

憲檄以志事責成各屬徵文致獻此其時乎爰  
集諸紳耆商僉謂盛哉美舉洵吾邑之幸而其  
事抑有難焉者工費浩繁衆擎乃舉而有力之  
家非素有遠識輒以是為不急之務則集資難  
老成代謝案牘蕩然非深得信以傳信疑以傳  
疑之旨片言憑臆流弊滋多則秉筆難前此請

邑庶欲為而不果者職是之故然則竟任其不成也可乎哉余乃聞陳公嘉謨勸樂輸緒有成數即行設局有不足仍隨時集腋以濟惟經費既絀重聘無資遠延名手曷云能求倘精其求精不且難而又難乎余不揣薄陋勉在局諸君子互相商榷分任編纂就其闕者補之續者增之今昔互異者分類添註之而於舊志之綱目規模未敢大有損益雖尚且簡乎自知不

但百年來故實遺闕正稍一完備矣是役也修營兩年甫得歲事假令知其難畏其難不復弱徒以為之則再閱百年亦何自克觀厥成哉故幸其成而誌其難如此

光緒元年歲次乙亥春三月即補同知松陽縣知縣丹徒支恒椿撰



松陽縣志舊序

有一書而爲千秋之袞鉞數言而關百代之興衰者郡邑之志乘是也自春秋之義隱南董之筆絕尊月旦者成家言務標榜者爲一時尙烏足以定信芳而甄猶穢哉况人心與時升降世俗與道變遷又不可以意臧否上下古今也余蒞栢三載幸無過舉獲與十邑諸賢共事茲土靖烽壑而崇文岫一時治化文風咸率然丕變爰取十邑之書而攷核之可以興可以觀一時口碑千秋人鏡藉以鼓勵人心興起教化者端有是賴而烏可以旦夕緩因進諸令而亟商之松首慨然倡行之禮賢選能鳩工庀材自明松陽縣志

舊序

一

隆慶以迄於今闡幽發微窮山極谷靡不選取而揚扞之屹然爲一邑偉觀山川之未備者今較周悉制度之未全者今較詳密棠陰之遺愛品隲之流芳今較嚴於入而惜於出他如登臨之勝概擲地之藝藻俱較廣蒐而博拾之雖荒烟冷篆破礎頽垣均得於流覽醉心洞如指掌真古史之貽休也願蒞茲土者與居是邦者共守茲軌而倍厥修則于是書之後又不止今日之華袞與一時之芳薰已也

順治甲午知處州府事陽城王崇銘撰

松陽縣志舊序

政有似急而實不得不緩者今日之簿書與賦稅也  
政有似緩而實不容不急者今日之學校與聲名文  
教也徧天下皆然浙爲甚全浙皆然松尤甚卽如邑  
乘一書百制俱備儷典于國庠今且自明之隆慶刊  
後八十餘載未有修復板帙殘闕已成故紙今

天子購書首先是問各臺蒞任必索以借憲綱俱進每進  
時持檄呼嗔寂無以應民間之素稱藏書者兵餘亦  
不能復得余慨然欲奮其事又承郡侯大人之命因  
投袂而進賢集事凡八閱月始竣工未備者登之踵

事者藻之未顯者暴而與衆膾炙之玷闕者瑱而瑩  
澤之山川雲物人倫治道以及蟲魚草木靡不瀦焉  
攷觀犁焉畢具于是舉也母負于諸大人之任使與  
松之 以緩所急而急所緩其有至不得已者存  
乎中政有先後若以余爲急者後而緩是圖心滋戚  
矣

順治甲午知松陽縣事佟慶年撰

松陽縣志舊序

古者外史掌四方邦國之志則志亦史類也顧史以  
昭千秋之褒貶而志則樹一邑之風聲凡例較別司  
令者職兼風化而義取表彰表舊典而續新編以期  
流芳久遠是誠良有司之亟宜先務矣處郡固浙東  
輿區纂脩爲急而松邑舊屬白龍古地密邇郡城之  
西偏一溪沿湖聲教猶爭先樂觀按其地崇山爲道  
商賈不通賴土膏之繡錯較饒九縣生其間者食舊  
德而服先疇秀鍾蜿蜒鬱積之奇諒不僅竹箭松杉  
足以當之後來居上定有備人矧際我

松陽縣志

舊序

一

國家觀文成化之時郡人士涵育薰陶蒸蒸日上進各  
憲蒞任維新卽取郡縣志乘以資納賈陳詩之採訪  
松雖小而徵文攷獻均待摩編余客冬因公戾止適  
縣令曹公稟呈所次纂補邑乘請序言以付剞劂余  
嘉公之知所先務竊幸其相與有成也憶自丙戌夏  
恭膺

簡命來守枯蒼甫下車卽以率屬奉公爲策勵數月中稔  
知公辦事精勤志圖向上曾經詳請幫辦青邑城工  
越明年公復請捐建大堂繼此循聲善政如平治道  
梁及捐修牌坊營廟之次第舉行者成迹昭然向已

斑斑可考邇來時豐政簡簿書之暇猶加意培風余  
披閱之下見夫山川風景節義文章向之天造地設  
火經論定者今仍舊貫其他時至事起因地制宜一  
切官秩賦役之乘除人文學校之鬱蒸與夫禮儀習  
尚之踵事增華以及橋渠寺觀戶口都庄或昔是而  
今非暨向無而僅有者悉皆若網在綱有條不紊至  
百餘年來其間孝子仁人義夫節婦猶爲風化攸關  
靡不搜羅罔闕以之發潛德而燭幽光使後來者知  
所趨向卽或科甲流風於今少歇而深山邃谷諒不  
乏窮經積學摘葩採藻之儒秋實春華亦都收採以

備

盛朝論秀書升之選列其目錄分門者十有二類謹嚴則  
倣班氏之藝文記序畧規史遷之列傳公之知所先  
務節節皆綱舉而目張直與省郡諸志備同攷核異  
日者

聖天子策命輶軒問俗浙東展此編也瞭如指掌知必有  
繪圖入

告犁然可登風俗之書者卽以斯志操左券焉可也余  
固樂得而爲之序

乾隆己丑正月知處州府事申州倉聖潢撰

重修松陽縣志舊序

邑之有志蓋仿周官土訓道訓遺意守土者各以其所親記筆之於書以志一方之籍以備輶軒之採昔朱文公蒞南康甫至輒問郡志君子謂其知所當務志不綦重矣哉松邑在括西上游羣峰聳翠盤礴嵯峨澗水縈紆迴旋環繞民多質樸俗尚節儉邑雖小悠然有淳厚之風然而平陂險塞之區變遷損益之故彰瘡旌別之義不一一有以志之司民牧者何以觀風悉隱而措之裕如乎余自下車以來披閱舊志率多漫漶殘缺梨棗所登已半食蟲鼠之腹矣蓋舊

志自順治甲午歲脩訂後迄今百有餘年未經修輯因思有志而聽其漫漶殘缺則與無志等矧

國家人道化成休養生息多歷年所今

天子軫念民瘼省方問俗東西兩浙叠被

恩施松雖藁爾僻在浙東然而山川之景色民物之繁庶視昔迥不相侔矣烏可斤斤焉執舊冊以求之歟余幸政有餘閑爰以脩志事商之學博胡公及邑中紳士僉踴躍稱善乃延聘錢塘孝廉潘公開局於縣署東偏廣徵見聞蒐討哀輯以舊志爲本而參諸府志及鄰邑志統之以綱繫之以目首紀輿地次詳賦役

稽學校之規制考建置之廢興至若採風俗之宜  
禮祀之典列官秩以紀其賢能序選舉以標其雋  
人物有志則獎勸備矣兵制有志則符禦嚴矣而  
且博採藝文蒐羅雜事其爲書十有二卷余以公餘  
暇往復參訂疑者核之舛者正之凡向之漫漶殘缺  
者皆得而增新焉所謂志一方之籍以備輶軒之採  
區區之心於是乎在若云知所當務以效法前賢余  
則奚敢

乾隆三十三年歲次戊子拾壹月望日

知松陽縣事山左榆關曹立身撰

松陽縣志舊序

余籍隸錢塘習聞栝蒼諸山水之勝神遊其間者久矣然以地僻道迂未得一至而遊覽焉戊子歲松陽邑侯曹公郵緘來招遂欣然東裝竊幸風願之可醉也甫至境見層巒疊嶂邃谷懸崖竹木森秀溪流奔瀑景趣幽曠日不暇接既至邑又見夫俗多澹樸不事華侈用以知民風之近古而賢邑侯之設施已可畧見矣及公接見握手之下歡若平生又時以其所作詩文來教春容大雅卓犖不羣讀其文復覘其行洵知公爲榆關名士才猷敏練有古循吏風政不第

以文辭之末馳騁乎翰墨間而已也既而公以重脩邑志事見屬余惟志史類也昔扶風易書爲志觀其藝文溝洫食貨諸篇與則詳贖莫可彷彿而後人猶以畧於事實詳於浮言譏之作志之難也如此是知人作一代之史必具有一代之識然後是非明而褒貶定作一代之志必萃一邑之觀然後疑信判而考訂詳余旣謫陋無文而松邑舊志又復漫漶已久乃欲於簡編蠹蝕之餘求品隲研核之當不綦難哉迺再三辭不獲已爰於志局中焚膏繼晷早夜孜孜惟恐志已事之拙而又不致苟且云爾也於是本諸舊

志証諸府志且參之鄰邑志綜覈紛紜博徵聞見訂  
其舛誤增其遺軼事取其覈實者辭汰其繁複者每  
一稿就與公往復參互不厭精詳凡四閱月三易稿  
而書成展卷之下其山川勝境向之神遊目想者茲  
得備覽無遺焉而公殷殷之意且得於簿書期會間  
從容閒暇以潤色太平之盛事其才猷練達不益見  
於此哉至公之惠政循聲卓卓表見者口碑具在茲  
不復贅

乾隆叁拾叁年歲次戊子拾壹月中浣

錢塘潘茂才頓首拜序

松陽縣志纂修職名

督修

三品銜分巡浙江溫處海防兵備道方鼎銳

三品銜浙江處州府知府潘紹詒

主修

卽補同知松陽縣知縣支恒椿

協修

國子監典簿銜松陽縣教諭樊芝生

內閣中書銜松陽縣訓導周紹旦

卽選

知

縣饒慶霖

松陽縣志

職名

一

分修

丁鳳章 附貢

沈宗敏 附生

鄭芳蘭 職員

饒學鎔 訓導

洪芳 廩生

周作梅 監生

董理

松陽

縣典

史黃廷燁

張文煜 訓導

潘煌 理問

葉萬亨 監生

葉茹荃 貢生

潘錫恩 職員

湯德峻 監生

葉佐清 教諭

葉蔭棠 增生

葉樹釗 職員

闕維翰 附生

葉永菁 附貢

朱益謙 監生

葉國良 署正

蔡建侯 附生

方開科 附貢